

太平寰宇記

第四十二冊

太平軍年記

第四十二冊

太平寰宇記卷之一百七十二

四夷一

四夷總序

周禮司徒以土圭之法測土深正日景以求地中曰
南則景短多暑曰北則景長多寒曰東則景夕多
風曰西則景朝多陰曰至之景尺有五寸謂之地
中天地之所合也四時之所交也風雨之所會也
陰陽之所和也然則百物阜安乃建王國李淳風
曰今洛陽告成縣以土圭測天地之中也然則四
夷之所距推此可知焉爾雅云東至于泰遠西至

于邠國南至于濮鉛北至于祝栗謂之四極皆謂四方

極遠之國之國觚竹北戶西王母日下謂之四荒觚竹在北戶在南

西王母在西日下在東皆四荒昏荒之國次四極者九夷八狄七戎六蠻謂

之四海九夷在東八狄在北七戎在西六蠻在南次四荒者岷齊州以南戴

日為丹穴岷去也齊中也北戴斗極為空桐戴負也東至日

所出為太平西至日所入為大蒙即蒙也太平之人

仁丹穴之人智大蒙之人信空桐之人武地氣此使然

五方之性也太演十二次分野圖云天下山河之

象在乎兩戒北戒地形自三危三危山在沙州燉煌縣積石

負終南積石山在鄯州龍支縣終南山在長安縣地絡之陰東及太華

今華州而逾河並雷首山在今蒲州河東縣砥柱至于王屋

今洛陽鄭縣太行今澤州晉城縣乃西北抵常山山在今鎮州之右

東折循塞垣至滅貊朝鮮是謂北紀所以限戎狄

也故星傳謂之北戒或謂之胡門南戒地形自岷

山在茂州汶山縣嶓冢今在梁州金牛縣負終南地絡之陽東及

太華在華州抵商山在商州阻熊耳連外方熊耳山在虢州盧氏

縣桐柏南折自上洛南逾江漢桐柏山在唐州武當荆山

至于衡陽武當山在均州荆山在襄州南漳縣衡陽山在衡州乃東折嶺徼

達東甌今福州閩中是謂南紀所以限蠻夷星傳謂

之南戒亦謂之越門華裔之大經也尙書五服之

制去王城面五百里甸服又五百里侯服又五百里綏服又五百里要服距王城凡二千里其外五百里荒服國語曰周穆王征犬戎得白狼白鹿以歸自後荒服不至然則二千里之外乃四夷及蠻夷猾夏詩云獫狁匪茹整居焦穫今岐州又秦晉遷陸渾之戎于伊川今陸渾縣則參居中國矣而其本域蓋四荒之裔也記曰東方曰夷被髮文身有不火食者矣夷者觚也東方之人好生萬物觚觸地而出以其居東故曰東夷夷有九種一曰玄菟二曰樂浪三曰高驪四曰蒲飾五曰島夷六曰索家七曰東屠八曰倭人九曰天鄙謂之九夷文身謂以丹青文飾其身有不火食者以其地氣多煖雖不火食不爲害也言有不火

火食者亦有南方曰蠻雕題交趾有不火食者矣臣君

同川而浴極爲簡慢蠻者慢也其類有八一日天竺二曰咳首三曰焦僂四曰破踵五日穿胸六曰天

僮耳七曰狗軼八曰旁春雕題交趾者題謂額也謂以丹青雕刻其額非唯雕題亦文身也故仲雍

居吳越左傳曰斷髮文身趾足也言蠻臥時頭向外足在內而相交故云交趾不云被髮者髮斷故

也注云雕文謂刻其肌以丹青涅之交趾足相向言浴則同川臥則儼不火食地氣煖不爲病按漢

書地理志越俗斷髮文身以避蛟龍之害故刻其肌以丹青涅之以東南俱近于海故皆文身爾雅

中言六西方曰戎被髮衣皮有不粒食者矣戎凶蠻也

伐殺生故曰戎然戎有六一日僂僂二曰戎央三曰老白四曰耆羌五曰鼻息六曰天剛衣皮不粒

食者以其無絲麻惟食禽獸肉故衣皮地氣寒少五穀故有不粒食者爾雅中言七戎七曰山崙是

也北方曰狄衣羽毛穴居有不粒食者矣狄者辟也父子

同穴無別其行邪辟故曰狄也類有五一日月支
二曰藏貊三日匈奴四曰單于五曰白屋東方多
鳥故曰衣羽正北多羊故曰衣毛凝寒至盛林木
又少故穴居亦少五穀故不粒食也爾雅言八狄
多六曰宣威七曰宣韞韞八
曰達怛禮只云五五狄也

中國夷蠻戎狄皆有

安居和味宜服利用備器

其事雖異各自足

五方之民言

語不通嗜慾不同達其志通其欲東方曰寄

此言帝王

立此傳達四方之人東方謂之寄也南方曰象西方曰狄韞北方曰

譯

皆俗間之名依其事類耳韞之言知也今冀州部有言狄韞也

先王以是周知

其情而從其俗務以德安其性不以力致其來其

國土之別固已具于職方誦訓矣禹之敷土也使

大章亥步四極之所距海外之地則山海經存焉

方言國號今古不同備其紀綱難可盡究自是以
降唐史所書推其土域所存記其名號之變載于
國史之末以備華夏之文至于戰伐之情朝貢之
數事此非禮不復具焉凡今地理之說蓋定其方
域表其山川而四夷之居本在四表雖獫狁之整
居焦穫陸渾之處于伊川其人則夷其地則夏豈
可以周原洛邑謂之夷裔乎昔唐開元天寶之盛
也南至越裳北至雲朔東窮遼石西及河湟皆爲
郡縣覃于風教旣編九州之記豈可具之于四夷
兩漢之制縣有蠻夷曰道而其總述皆九牧之所

領矣是以今四夷之所說皆其裔荒之本土焉

東夷一

東夷總述

東夷之地自胸山而東其北則樂浪

音洛郎

朝鮮遼東

其南則越閩晉安

泉州

之東

今泉州濱海極望海中諸夷國可見焉

皆

其域也昔周武王封殷太師箕子于朝鮮而遼東

則戰國時燕地而帶方真番

音蕃

玄菟

音徒

皆漢之郡

後皆爲東夷之地矣蓋先王之時罔不率俾夏太

康失德夷人始叛至桀而諸夷內侵殷仲丁伐藍

夷後雖凌暴諸夏而其境則遼海之東焉遼故燕

地秦爲徼外秦亂而中國人多往避地焉漢興修

遼東故塞至沮

滂拜切

水爲界屬燕燕王盧綰反燕

人衛滿亡命而出塞渡沮水居秦故空地王之地

方數千里至漢武破之以朝鮮爲眞番臨屯樂浪

玄菟四郡後漢末公孫康據而有之魏景初元年

乃滅後魏周齊以來高麗強盛隋煬帝三征之

初渡

遼而敗再行次遼水征之而楊

玄感反又將征之而天下亂至唐高宗時乃滅

之其餘具于本國矣

朝鮮

滅國

百濟國

三韓國

朝鮮

朝鮮晉張華曰朝鮮有泉水洌水汕水三水合爲洌水疑樂浪朝鮮取名于此也汕所宴切周

封箕子之國昔武王釋箕子之囚箕子不忍周之

釋走之朝鮮武王聞之因以朝鮮封之見尚書大傳箕

子教以禮義田蠶作八條之教無門戶之閉而人

不爲盜其後四十餘代至戰國時朝鮮侯亦僭稱

王始全燕時畧屬焉而置吏築鄣塞其後燕王盧

綰反入匈奴燕人衛滿亡命聚黨千餘人椎結蠻

服東走出塞渡溟水擊破朝鮮王準居秦故空地

上下鄣稍役屬眞番朝鮮諸夷及故燕齊亡命者

王之都王險

地名在涇水東

會孝惠高后時天下初定遼

東太守卽約滿爲外臣保塞外蠻夷是故滿得以
威力侵其傍小邑眞番臨屯皆來服屬地方數千
里傳子至孫右渠誘漢亡人滋多武帝元封二年
遣樓船將軍楊僕從齊浮渤海兵五萬左將軍荀
彘出遼東討之三年朝鮮人殺右渠來降遂定其
地因立爲眞番臨屯樂浪玄菟四郡

今悉爲東夷之地也

帝時罷臨屯眞番以併樂浪玄菟自此內屬

四至

秦滅燕屬遼東外徼秦遼東郡今安東府之地及

秦亂中國人或往避地者數萬口漢興爲其遠難
守復修遼東故塞至涓滂拜切水爲界武帝時卽爲
四郡之地

土俗物產

始箕子以八條之教世得其理自漢內屬以後風
俗稍薄法禁亦寢多至于六十餘條按四夷志云
東方仁故其俗頗有中國之風孔子欲居九夷又
聞郯子述鳥官曰天子失官學在四夷也其俗土
著遲畧切喜飲酒歌舞或冠弁衣錦器用俎豆

滅國

滅亦朝鮮之地後漢光武封其渠帥爲縣侯皆歲時
朝貢無大君長漢以來其官有侯邑君三老統主
下戶其耆舊自謂與高句麗同種言語法俗大抵
相類魏齊王正始六年滅侯等舉邑降四時詣樂
浪帶方二郡朝謁並今東夷之地有軍征賦調如華人焉

四至

南與辰韓北與高句麗沃沮接東窮大海西接樂
浪

土俗物產

其人性謹愿少嗜慾有廉恥男女衣皆著曲領男

子繫銀花廣數寸以爲飾俗重山川山川各有部
分不得輒相干涉同姓不婚多所忌諱疾病死亡
卽棄舊宅知種麻養蠶作綿布又頗曉氣候星宿
先知年歲豐約不以珠玉爲寶又祭虎以爲神其
邑落有侵犯者輒相罰責生口牛馬名之爲責禍
少寇盜作矛長三丈或數人共持之能步戰樂浪
檀弓出其地又多文豹有果下馬高三尺一作丈其
海出班魚皮漢時恆獻之

百濟國

百濟卽後漢末夫餘王尉仇台之後後魏時百濟王

上表云臣與高麗源出夫餘也初以百家濟海因

號百濟晉時句麗既畧有遼東而百濟亦據有遼

西晉平二郡地

今營平二州之間也

自晉以後吞併諸國據

有馬韓地晉代授蕃爵自置百濟郡義熙中以百

濟王夫餘暎

他典切

爲使持節都督百濟諸軍事宋

齊梁並遣使朝貢授官封其人土著地多下濕率

皆山居其王都有東西二城號建居拔城王號于

羅瑕百姓呼爲韃

音乾

吉支

夏言並王也

王妻號于陸夏

妃也

官屬有十六品左平一品達率二品恩率三品

德率四品扞率五品祭率六品以上冠飾銀花將